

70

SCEPTRA
ACADEMICA,

ad VIRUM

SUMME REVERENDUM ac EXCELLENTISSIMUM

DOMINUM

HENRICUM
LYSIUM,

S. S. THEOL. DOCT. EJUSDEMQUE IN PRÆGE-
LANA ACADEMIA PROF. SECUND.

*SACRÆ REGIÆ MAJESTATIS IN BORUSSIA
a CONCIONIBUS AULICIS FACUNDISSIMUM,*

CONSIST. SAMB. CONSIL. & COLL. FRID. DIRECT.

Primum delata,

EI

pia mente gratulatur

M. CHRISTOPHORUS *Schöneich*/

Regiomonte - Boruffus.

REGIOMONTI,

Typis STELTERIANIS,

Anno 1720.

By.

1720



* * * * *



Virtus, quæ nobis pietatis nomine nota,
A pravis omni tempore pressa fuit.
Nec multis opus est, multos adducere testes,
Fatis qui possent hocce probare suis.
Fortassis dubitas a me verissima dici?

Annales veterum volve, revolve, scies.
Sed quamvis pietas hæc pressa sit, attamen illa
Non potuit subigi, sic moderante DEO.
Nam premit hanc eqvidem verum non opprimit hostis,
Quamlibet exoptent id male sana cohors.
Expertus talem fortunam, TU quoque, qui jam
Nomen MAGNIFICI nobile jure geris.

In-

Pol. 8, III. 720 / estr



Infons namqve malis quot **TU** sis pressus iniquis,
Et quibus opprobriis ob pietatis opus.
Hæc, inquam, loquitur multis Borussia nostra
Quilibet hic novit tristia fata **TUA**.
Ast pressus multum, tamen haud oppressus ab hoste:
Sed **TE** servavit pro bonitate **DEUS**.
Atqve furor quanto truculenti sævior hostis:
Ampla magis tanto janua aperta fuit.
TE quoniam comitata fuit clementia Jovæ,
Turba inimicorum conciliata **TIBI**.
Qvid? quod jam summum conscendis culmen honoris,
Atqve **TUOS** humeros purpura docta tegit.
Non igitur possum, quin jam mea gaudia tester,
Qui, verum fateor, debeo multa **TIBI**.
Gratulor, ac hilares edo de pectore plausus,
Plausibus adjungens vota sacrata **DEO**.
Clemens quæso novas pergat **DEUS** addere vires:
Addere cum pergit munera muneribus.
Annos multiplicet, qui multiplicavit honores,
Ut sint virtuti tempora longa **TUÆ**.
Quique dolos nectunt **TIBI** turpes opprimat hostes,
Ut bene procedant cœpta beata **TUA**.
Cœptis adspiret Domini spirabilis aura,
Qua sine per rectam non licet ire viam.

Sic erit ex multis felix Academia nostra ,
In qua cum fructu tempora longa doces.
Sic erit & felix omnino Ecclesia nostra ,
Quam verbis, factis TE docuisse sciunt.
Quod superest vivas ex omni parte beatus,
TE Omnipotens cuncta prosperitate beet!
Et cum curriculum vitæ perfeceris hujus,
MAGNIFICUM nomen Numen ad astra ferat.

